

Patêjan de la Grevîre : athinbyâye dou 7 d'oktôbre 1984 a Erbivouè

Autor(en): **Chudan, R.**

Objekttyp: **Article**

Zeitschrift: **L'ami du patois : trimestriel romand**

Band (Jahr): **12 (1984)**

Heft 47

PDF erstellt am: **29.04.2024**

Persistenter Link: <https://doi.org/10.5169/seals-241180>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.



Athinbyâye dou 7 d'oktôbre 1984
a Erbivouè

* * * *

On pou pâ bayi le non d'athinbyâye
a ôtyè k'irè on vretâbyo règal.
La granta châla irè a pou pri
pyêna à l'è dèvan n'achichtanthe
tota dzoyâja ke André Brodâ, prè-
jidan in tsêrdze, àrè lè dèba in
kouâjin la binvinyète a tsakon.

Le P.-V. de la dêrire athinbyâye l'è lyê è nyon travè
l'okajyon dè mouètâ.

Pu, no j'an le pyéji d'oure "Le Kà dè l'Intyamon" ke di-
ridzè avui atan d'èchyin tyè dè talan M. Pyéro Robadey.
Dè vère hou galé dzakiyon è hou chejin bredzon, d'oure
hou balè vouê, hou bi tsan in patê, on-in d'a onko le
kà ke frebiyè.

Apri chin, lyè l'ètude dou patê. Le komité l'avi inko-
tchi mé dè 150 mo dè badyè è dè j'inchtrumin ke chè tro-
vâvan din le tin è di j'ôtro ke chè travon onko din lè
j'othô.

Hou brâvè dzin d'Erbivouè ke no j'an tan bin rèchu l'an
kru ke l'avan onko pâ prou fê por no. L'avan inkotchi
na pîthe dè Mèrtens "Les vieillards amoureux" ke nou-
thron tan règrètâ Pekoji di Chouvin l'avi tranchatâye
po n'in fère na tota galéja komèdi "Lè viye dzouno in-
trèprê". A hou j'akteu no puyin dre tyè = bravô è merci!
M. Franthê Mauron ke rèprèjintâvè le "Triolè" d'Epindè
l'i va dè ti chè j'inkoradzèmin è fèlichitachyon por
avi fondâ nouthra chochyètâ.

Pu, M. Djan Hyemin, profètheu, no bayè kotyè j'èchpli-
kachyon chu on-ordinateu k'on porè inpyéyi po montâ
on dikchyenéro patê-franché.

Francis Brodâ no j'anonthè l'athinbyâye de la Chochyètâ
kantonale ke chè tindrè ou Krè le 19 d'oktôbre.

Chu chin, nouthron prèjidan dèhyârè l'athinbyâye hyoute.
Lyè la demi apri 5 àrè.

le chekrètéro :



R. Chudan